



Beste Heiknuiters & Heikweiterinnekkes,

De elfdje vanne elfdje!

'Ne datum dae vör os allemaol hieël vül beteikendj, eeder jaor weer opnow. Vanaaf dit momènt giè'tj beginne..., mer dit jaor es alles ângers!

Geïn opening bi-j oos Heiknuiterbieëldje, geine Buut Aovendj en auch geïn Hoeëgheden dit sezoèn.

Mer 't groeëtste gemis es det vae os neet persoeënlik kinne treffe, 't sociaal contact, same beejkälle, aøjhoore, lâche, 'n glaeske beer, wiën of fris bi-j De Paol, geniete vanne meziek....

Dét geveul, di-j belaeving, dét es woeërum vae as CV de Heiknuiters de vastelaovendj in oos dörp laevendjig haoje.

As bestuuër bliëve vae deenke in meugelikhede en bliëve vae hoope...,want ein deenk stieët vast, 't Vastelaovendjvirus wíndj 't altiêd van 't Covid-19 virus!

Vae zooje 't schoeën veenge as eedereïn de paarse Heiknuitersvlag auch in dit bezeundjer sezoèn vanaaf 16 jannewari 2021 weer aane gaevvel zoøj wille hänge.

Haotj uch goot allemaol en bliêftj astebleef gezond!

Bestuur CV de Heiknuiters.